

**UNDANG-UNDANG KECIL
PELESENAN ANJING
MAJLIS DAERAH BESUT
1990**

**TR. P.U. 7
BIL. 5/1992
TARIKH 27 FEBRUARI 1992**



NEGERI TERENGGANU DARUL IMAN

Warta Kerajaan

DITERBITKAN DENGAN KUASA

GOVERNMENT OF TERENGGANU DARUL IMAN GAZETTE

PUBLISHED BY AUTHORITY

Jil. 45

27hb Februari 1992

TAMBAHAN No. 2
PERUNDANGAN

Bil. 5

Tr. P.U. 7.

AKTA KERAJAAN TEMPATAN 1976

UNDANG-UNDANG KECIL PELESENAN ANJING
(MAJLIS DAERAH BESUT) 1990

PADA menjalankan kuasa-kuasa yang diberi oleh seksyen 73 Akta Kerajaan Tempatan 1976, Majlis Daerah Besut membuat, dan menurut seksyen 103 Akta tersebut, Pihak Berkuasa Negeri mengesahkan, undang-undang kecil yang berikut:

1. Undang-undang kecil ini bolehlah dinamakan **Undang-undang Kecil Pelesenan Anjing (Majlis Daerah Besut) 1990** dan hendaklah dipakai hanya bagi kawasan Majlis Daerah Besut dan hendaklah mula berkuatkuasa pada tarikh ia disiarkan dalam *Warta*.
Nama, pentakwaan dan mula berkuatkuasa
2. Dalam undang-undang kecil ini, melainkan jika kandungan ayatnya menghendaki makna yang lain:
Tafsiran

“dokter veterinar” ertinya doktor veterinar sebagaimana yang ditakrifkan dalam seksyen 2 Akta Doktor Veterinar, 1974;

“lencana logam” ertinya lencana seperti yang tersebut dalam undang-undang kecil 4 (2) (b);

“pemunya” berhubungan dengan anjing ertinya orang yang memiliki, menjaga atau mengawal anjing itu, tetapi jika sekiranya terdapat keraguan tentang keempunyaan seseekor anjing, pemunya atau penduduk premis yang sering didatangi oleh anjing itu atau seseorang yang biasanya memberi makan anjing itu hendaklah disifatkan sebagai pemunya sehingga dibuktikan sebaliknya oleh pemunya, penduduk atau orang itu;

“Yang Dipertua” ertinya Yang Dipertua Majlis Daerah Besut dan termasuklah Timbalan Yang Dipertua.

Kehendak
pelesenan.

3. (1) Tiada seseorang boleh memiliki, menyimpan, melindungi atau menyenggara seseekor anjing yang telah mencapai umur tiga bulan melainkan jika ianya telah dilesenkan di bawah undang-undang kecil ini.

(2) Sesuatu lesen itu hendaklah habis tempoh pada 31hb. Disember, pada tahun lesen itu dikeluarkan.

Tatacara
pelesenan.

4. (1) Sesuatu permohonan untuk mendapatkan suatu lesen hendaklah dibuat dalam borang sebagaimana yang diperuntukkan oleh Yang Dipertua dan hendaklah disertakan dengan fee untuk lesen sebanyak sepuluh ringgit.

(2) Selepas menerima sesuatu permohonan dan fee untuk lesen itu, pegawai pelesenan hendaklah:

(a) mendaftarkan anjing yang berkenaan dengan menyebabkan suatu catatan dibuat dalam daftar yang disimpan bagi maksud itu mengenai perihal anjing dan nama serta alamat pemunya;

(b) mengeluarkan kepada pemunya anjing itu suatu lesen dalam bentuk lencana logam yang sesuai yang mempunyai nombor siri yang sama dengan nombor pendaftaran anjing itu; dan

(c) mengeluarkan kepada pemunya anjing itu suatu resit bagi fee yang dibayar, mengandungi perihal anjing dan mempunyai tandatangan pegawai pelesenan.

Pertukaran
keempunyaan
anjing yang
berlesen.

5. Jika terdapat pertukaran keempunyaan seseekor anjing yang berlesen, pemunya yang baru hendaklah, dalam tempoh sebulan dari itu, memberitahu pegawai pelesenan mengenai pertukaran itu, dan pegawai pelesenan hendaklah mendaftar nama serta alamat pemunya baru itu dan bayaran sebanyak lima ringgit adalah dikenakan untuk penukaran tersebut.

Kehilangan
lencana
logam.

6. Tiada penggantian boleh dikeluarkan bagi lencana logam yang hilang, tetapi pemunya anjing berkenaan boleh mendapatkan suatu lesen baru atas permohonan dan pembayaran fee sebanyak sepuluh ringgit.

Memakai kolar
anjing dan
lencana logam.

7. Pemunya anjing yang berlesen hendaklah mengadakan kolar anjing yang sesuai untuk dipakai oleh anjing itu, yang padanya lencana logam semasa itu hendaklah dipasang dengan kukuh mengikut apa-apa cara supaya boleh dilihat jika kolar itu dipakai oleh anjing itu.

8. Pemunya anjing hendaklah:

Kewajipan pemunya.

- (a) Jika anjing itu berpenyakit, mengambil langkah seberapa segera yang boleh untuk membolehkan anjing itu diperiksa dan dirawat oleh seorang doktor veterinar dan tidak membiarkan anjing itu disimpan di premisnya melainkan anjing itu telah diperiksa di bawah rawatan seorang doktor veterinar;
- (b) menyenggara rumah anjing di mana anjing itu ditempatkan dalam keadaan cuci dan bersih;
- (c) membuang dari premisnya apa-apa bahan najis daripada anjing itu, dan berbuat demikian mengikut atau dengan apa-apa cara yang tidak mungkin akan menyebabkan kesalahan atau kesusahan kepada orang-orang lain;
- (d) mengambil langkah-langkah yang munasabah untuk memastikan bahawa anjing itu tidak menjadi gangguan, disebabkan oleh salakan yang tidak berhenti-henti atau selainnya kepada jiran-jirannya;
- (e) mengambil langkah-langkah yang munasabah untuk memastikan bahawa anjing itu tidak merayau di luar kawasan premis pemunya dan bahawa anjing itu berikat apabila dibawa keluar daripada premis pemunya.

9. (1) Mana-mana anjing yang berumur lebih daripada tiga bulan dijumpai lepas bebas atau dijumpai di tempat awam dengan tidak memakai lencana logam dan mana-mana anjing yang berpenyakit yang bukan di bawah rawatan doktor veterinar boleh dibinasakan oleh mana-mana orang yang diberi kuasa bagi maksud itu oleh Yang Dipertua dan mana-mana orang diberi kuasa sedemikian boleh pada bila-bila masa memasuki mana-mana tanah atau premis, selain daripada rumah tempat tinggal, bagi maksud mencari, mendapatkan, merampas, atau membinasakan anjing itu.

Pembinasaan.

(2) Mana-mana anjing, sama ada berlesen atau tidak, yang pemunyaanya tidak ditemui, boleh dibinasakan atau selainnya dilupuskan sebagaimana yang diarahkan oleh Yang Dipertua atau mana-mana orang yang diberi kuasa bagi maksud itu oleh Yang Dipertua.

10. (1) Pemunya harta yang mempunyai kawasan 920 meter persegi atau kurang tidak boleh menyimpan atau membenarkan disimpan lebih daripada dua ekor anjing di atas hartanya, dan jika kawasan itu lebih daripada 920 meter persegi, hadnya ialah empat ekor anjing melainkan jika selainnya diluluskan oleh Yang Dipertua dalam mana-mana kes tertentu.

Bilangan anjing yang dibenarkan.

(2) Tiada anjing boleh disimpan lebih tinggi daripada tingkat bawah mana-mana bangunan.

11. (1) Tiada seseorang boleh menggunakan mana-mana bangunan, premis atau pegangan untuk menyimpan anjing untuk pembiakan bagi maksud perdagangan atau sebagai rumah anjing veterinar atau klinik melainkan jika dilesenkan oleh Yang Dipertua bagi maksud itu.

Pelesenan tempat-tempat di mana anjing disimpan bagi maksud perdagangan.

(2) Suatu permohonan untuk mendapatkan lesen hendaklah dibuat dalam borang sebagaimana yang diperuntukkan oleh Yang Dipertua dan hendaklah disertakan dengan fee untuk lesen sebanyak seratus lima puluh ringgit.

Penalti.

12. Mana-mana orang yang melanggar mana-mana undang-undang kecil ini adalah melakukan suatu kesalahan, dan apabila disabitkan, boleh dikenakan denda lebih daripada lima ratus ringgit atau dihukum penjara tidak lebih daripada enam bulan atau denda dan penjara kedua-duanya sekali.

Diperbuat oleh Majlis Daerah Besut di dalam mesyuarat pada 30 Disember 1990.

{MDB. 027/SJ. 14}

ABDULLAH BIN MUHAMMAD,
*Yang Dipertua,
Majlis Daerah Besut*

Disahkan oleh Pihak Berkuasa Negeri di dalam mesyuarat pada 8 Januari 1992.

[SUK. TR. 1200/368/SK. A; PUN. TR. 85/3/17]

OSMAN BIN MUDA,
*Setiausaha,
Majlis Mesyuarat Kerajaan Negeri,
Terengganu*